



Akitsinguaq Olsen  
Siumut

## § 37 tunngavigalugu apeqqummut nr. 197, 2011-mut akissuteqaat

Asasara Akitsinguaq Olsen

Apeqquteqaatinnut qujanaq.

Naalakkersuisut erseqqissumik anguniagaraat piitsuussuseq akiorniassallugu Kalaallit Nunaannilu inuuttaasut tamarmik assigiimmik periarfissaqarnissaat.

Piitsuussutsimut uuttuutit amerlasuujupput. Ilaqutariinni meerartalinni piitsuussuseq Naalakkersuisut ajornartorsiutitut ataatsimoortutut isigaat, isumaqarlutik aningaasaanarnut tunngasuutissallugu annikippallaartoq. Piitsuussuseq akiorniassagutsigu inuiaqatigiinni ineriartorneq tamakkiisoq isiginiartariaqarparput, piitsuussutsimimmi akiuniarnermi ilaatigut makku isigisariaqaratsigit: Sumiginnaanermik pinaveersaartitsineq, ilinriagaqarfinnut pulasinnaaneq, angajoqqaanut suliffissaqartitsineq il.il..

Meeqqat inuunerminni atugarisaat angajoqqaat inuunermini atugaannut taputartuullugu isiginiartariaqarpoq. Meeqqat akornanni piitsuussuseq akiorniaraanni inuiaqatigiinni kingornuttakkat iluanngitsut ilorraap tungaanut saatsittariaqarput, ilaqutariinni ajornartorsiutit tunuliaqutaasut aaqqittariaqarlutik, taamaalillutik meeqqat piitsutut inississimanermiinnit tamakkiisumik aniguinissaminnut periarfissaqarniassammata.

Ilaqutariit meerartallit aningaasatigut ingerlanerat (aningaasaatiminnillu aqutsinissaminut piginnaasaat) piitsuusinnaanermik nalilersuinermi uttuutaavoq qitiulluinnartoq. Tasunga tunngatillugu erseqqissumik oqaatigineqassaaq, inatsisit tunngavigalugit meeqqat eqqorneqarsimasut pisariaqartitatit tunngavigalugit tamatigut ikiorserneqartussaammata, pissutaasut suugluarpataluunniit.

Aningaasarsiortut tamarmik aningaasarsiaasa amerlassusiisa agguaqatigiisillugu qeqqat (pissusiusut tunngavigalugit) piitsuussutsimut uuttuutigissallugu ajornartorsiornarsinnaavoq, taamatumi naatsorsuinerup kingunerissammagu, kikkut tamarmik naatsorsukkat 50 %-iinik ikinnerusunik aningaasarsiartut piitsutut nalilernerqassammata, ilangunneqaratik aningaasarsiat angissusiat, aningaasat pisissutaasinnaanerat inuiaqatigiinnilu tungiuinermi killiffik ataatsimut isigalugu qaffasikkaluarpalluunniit. Aningaasaqarneq eqqarsaatigalugu pissusiusut tunngavigalugit piitsuussusermik uuttuineq aningaasarsiat assigiinngissusaannik uuttuineruvoq, aningaasarsiakinnermik uuttuinerusariaqarani.

Naalakkersuisuni kissaatigaarput assigiinnik atugaqassutsip siuarsarnissaa, isumaqarluinnaratta assiginnik atugassaqartitaanerup inuiaqatigiit ingerlalluamerit pilersittarai.

27. okt. 2011  
Sagsnr. 2011-057275  
Dok. Nr. 751 250

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

Taassuma malitsigisaanik Akileraartarnermut tungjuinermullu ataatsimiititaliarsuaq Naalackersuisut pilersippaat, siunertaralugu aalajaatsumik tunngaveqarluta allannguinerit pilersissinnaagatsigit, allannguinerit naammaginatsumik allatut agguaassinertallit, atuagarissaarnerulersitsisut Kalaallit Nunaannilu innuttasunut tamanut periarfisaqarnerulersitsisut qulakkeerniarlugit. Tunngaviusumik anguniarneqarpoq piitsuususeq pinaveersaartissallugu akiussallugulu, piitsuussutsip isumaa tamakkerlugu atu-gassarititaasullu eqqarsaatigalugit.

Siullermut

2010-mut naatsorsuisoqarsimangilaq, meeqqat procentinngorlugit qassit pissutsit tunngavigalugit piitsuunersut, taamatummi naatsorsuineq aningaasatigut sulisorisatigullu pisariaqartitsiffiusorujussuuvooq.

Akileraartarnermut tungjuinermullu ataatsimiititaliarsuaq naggataarutaasumik isumaliutissiissummini "Pisuussutsitta atugarissaarnittalu massakkut iliuuseqaqqullugu piumasaqarfigaatigut" (2011) naatsorsorsimavaa illoqutigiit ukiumikkut qanoq agguataarsimanagerat aamma piitsuussutsimut piviusut tunngavigalugit killigititaasoq (Nunatsinni akissarsiat agguaqatigiisillugu qeqqisa 40, 50 aamma 60 %-nik ataassisimasut). Takussutissiaq ataatsimiititaliarsuup isumaliutissiissutaani qupperneq 317-imi takuneqarsinnaavoq.

Aappaanut

Kalaallit Nunaanni Naatsorsueqqissaartarfik malillugu inuit 8325-t 2010-mi ikiuutunik pissarsisimapput.

Naatsorsuinerit kingulliit, inoqutigiinnik ikiuutunik pissarsisimasunik tamanik ilanngussisut 2008-mi pisimapput, takuneqarsinnaallutillu takussutissiami Akileraartarnermut tungjuinermullu ataatsimiititaliarsuup isumaliutissiissutaani qupperneq 227-mi. Naatsorsuinerup takutippaa 2008-mi ikiuutunik pissarsisimasut amerlanersaat meeqqanik pilersugaqanngitsuusut.

Inussiarnersumik inuulluaqqusillunga  
Med venlig hilsen

Mimi Karlsen